

مجله اداره سی

باب عالی جوارنده ابو -
السعود جاده سنده محمود بك
مطبعه سیدر.

امور اداره و تحریره متعلق
خصوصات ایچون محمد رضا
افندی نامنه مراجعت
اولفیلدر درج اولنمیان
اوراق اعاده اولغاز .
اداره خانه جمعه دن ماعدا
هر کون آجیقدر .

سنة ١٣٠٧ م

شرائط اشترا

ولایاتده و درسعادنده محل
اقامتلینه کوندرلک اوزره
سنه لکی ٧٠ الی ایللی ٤٠
غروشه در اداره خانه دن
النق اوزره سنه لکی ٥٠
الی ایللی ٣٠ غروشه در.
آبونه لر سنه ابتداسندن
یعنی الی اوچنجی نومرودن
اعتباراً برسنه لک و یا خود الی
آبلیق اوله رق قید اولنور.

مقالات علمی و فنی بک واسطه انتشاری ، کلزار ادبیاتک مجلیه آتاریر

Directeur Mehmed Riza

مربی : محمد رضا

نومرو ٨٣

سرحدری : توفیق

نسخه سی ٥٠ پاره یه در



التون لیاقت مدالیه سیله مظهر تلطف عالی بیوریلان معارف عمومیه نظارت جلیه سی اوراق مدیری سعادتلو علی غالب بک افندی حضرتلری

دلیدن دله در نابش راحت محبت
 الدن الله در گردش کاسیات محبت
 قونمز یره هیچ نسخه آیات محبت
 سیرایت نه ایش راز فیوضات محبت
 کل واقف اسرار نهانخانه جان اول
 هر رشته آماله صاقین قلمه توثق
 جمعینه خاطرینک و یرمه تفرق
 دکمز بو جهان قلمغه نادانه تعلق
 ناک اوله سین خمشده بار تعلق
 ازاده سر سلسله سود وزیان اول
 بولمسه غرض جنت راحتده خلودی
 سیل صفحه خاطرده کی بالمله قیودی
 طوغسون دلکه شمشعه مهر شهودی
 ترک ایت الم غائله بود و نبودی
 و یرمه خلیجان خاطرکه رند جهان اول
 وارلق کتورر باشکه بوجور و بلای
 یوقلقده بولور عارف اولان ذوق رهای
 فقری کی نوش ایلکه کور جام فهای
 کورمکه غرض بارقه نور بقای
 حکمت کی دلسوخته سوز نهان اول

بر مکتوب

— مابعد —

طردیلم نصل ، فهای ؟
 بیلم بو صوروشده ناجای ؟
 اسلوب حکایت صایقی ؟
 مستقبل شعریک آچیقی ؟
 شاعر اوله مام ، اوللی ذاتا
 بر ناظم عجب اولور می بن ؟
 نژده رکاکت اولسه یدی
 اولجه کوزمده طولسه یدی
 هیچ نظمه تمایل ایلهمزدم ،
 بر سادهمجه بیت سوبله مزدم
 هیسات بر ابتلا ایش بو !
 بن بیلمز ایدم خطا ایش بو !

بعضاً دیورم که ای هوسکار !
 طبعکده کی لکنتک بیدار
 آل عجز یکی ده خیاله آرتق
 برخامه ویر شو حاله آرتق !
 شاعرلک ایچون طبیعت استر
 هرکس اوله ماز او فیضه مظهر
 بر پارچه دوشون ، خطاکی درک ایت !
 چیقماز ، یو خطرلی راهی ترک ایت
 سن قالمشک خیال ایچنده
 امشالکه باق کمال ایچنده !
 ایتدک بوقدر زمانی اسراف
 مستقبله باری ایله انصاف !
 باق عقلکی (فاعلاتن) آلمش !
 فضلک ایسه بر چکه کده قالمش !
 سوکمز بو هوای شاعرانه
 بر کره کلیر کن جهان
 بر نقطه ده دور ایدر طور رسک
 هر مسئله دن ده دم اور رسک !
 بر فایه خاطر یچون ایوام
 بیک سانجده دن ایدرسک اکرام !
 اوزانه مطابق اولینجه ،
 (مفعول) بلاسی طولینجه
 معجز بیله دوشسه واردانک
 یاقاز اکا چشم التفاتک !
 ای پسرو سالکان غفلت !
 بر کره دوشون ندر بو حالت ؟
 طوتمش بولی متصل کیدرسک
 انجامی نصل قیاس ایدرسک ؟
 بر مقصده خادم اولکه آخر
 اولسون سکا بر نتیجه ظاهر
 مابعدی وار
 محمد عاکف

نظیره

فیض آلان بر نمی هم ؟ دلبر نگاهکدن سنک
 مستفیض اولمش جهان یکسر نگاهکدن سنک

هیچ اولور می ارضه پرتوباش سودا ؟ اولسه
 مستبیر عشق ، اخترلر نگاهکدن سنک
 وردم اولسه چوقیدر آم و فغان بلبل کی
 یاندی روح یاندی سوز آور نگاهکدن سنک
 بونجه دمدر ای ملکسیما دل حسیرتزده
 وصله دائر ، زده لر بکمر نگاهکدن سنک
 ایله کیم عطف نظر بکمر آجیلیمه چون مدام
 غنجه امید تاب وفر نگاهکدن سنک
 چوقی طبعمدن طوغارسه ساحرانه شعرلر
 سینه مسحور اولدی افسونکر نگاهکدن سنک

محمد الیرین

نوحه

بن بوجای حزن و خالیده
 چوقیدر مثل طائر سودا
 دمیدم سوز یأس و فرقتله
 ایتسه آتش دلانه واویلا

§

روز کارک صدای محزون
 دلده احیای حس ماتم ایدر
 موقعک رنگ حزن سودانی
 سرگذشت الیمی سویلر

محمد الیرین

انسان نه در ؟

۲

کچن هفته کی مقاله مزده انسانک اجزاء
 بدنیه سی و اشکالات عضویه سی اعتبار ایله عاجز
 وناچیز بر حیوان اولدیغی و فقط فیاض ازلی
 طرفدن کنديسنه احسان بیورلش اولان
 قوه عاقله و ملکه فکریه سی سایه سنده بالمله
 حیواناته از هر جهت تفوق ایش وساحه
 وجود نیجه آثار بدیهه کتیرمش بولندیغی بیان
 و بوقوتک بعض تعریفات ایان ایلمش ایدک
 بومقاله مزده ایسه ینه مقصد اصلی به رجوع
 ایدرک انسانک ماهیت و حقیقتنه متعلق بعض
 مطالعاتی سرد ایلمک ایستوروز .

منطقیون انسانی و حیوان
ناطق « دیه تصور و تعریف ایتشملر
و بو تعریفه « حد نام » نامی
و یرمشلر درکه انسانک جنس
قربیلله فصل قریندن ترکیب ایتش
و ذات و حقیقتند داخل کافه
اجزاسنی حاوی بولنش و بوسبیلله
افرادینی جامع و اغیارینی مانع
اولمش بر تعریف دیمکدر .

« حیوان ناطق » مفهومک
بویله بر تعریف اولوب اولدیغی
آکلاتقی ایچون « تعریف » نه
دیمک اولدیغی ، واصل شرطلر
اقتضا ایلدیکنی ، نه کبی اقسامه
آیرلدیغی بر تفصیل بیان ایتک
مناسب ایدسه بونفصیلاتی و یرمک
اوله بر ایکی مقاله ایله ممکن
اوله میه جفی کبی اوتفصیلات ایله
اشتغال ایلیمک صدودن بالکلیه
خروجزی دخی استلزام ایایله -
چکندن بو باده قارئین کرامه

بالکمز بر فکر اجمالی و یرم بیلیمک ایچون
افادات آتیله ایلک اکتفا ایتکی ده موافق
کوردک :

« تعریف » موجود خارجیدن اخذ
و انتزاع ایدیلن بر صورت ذهنیه و برماهیت
کلیه در بوسورت ذهنیه او موجود خارجینک
یا کنه و حقیقتندن یعنی کندیسنی تشکیل
ایدن اجزاء وجودیه سندن ، یا خود اعراض
لازمه و احوال مخصوصه سندن اخذ و اقتباس
اولنش و بریحی صورته « حد » ، ایکنجی
صورته دخی « رسم » نامی و یرمشلر .

بناءً علیه منطقیون « تعریف » ی « بر
شیئی کنه و حقیقتیه و یا بالجمله ماعدادن تمیز
ایدر بر وجه ایله بیلدیرن شیئی » دیه تعریف
و بیان ایتدکدن صکره بر شیئی کنه حقیقتیه
بیلدیرنه « حد » و ماعدادن تمیز ایدر وجه ایله
بیلدیرنه دخی « رسم » نامی و یرمشلر و بونلر
دن هر برینی « نام » و « ناقص » عنوانلریله
ایکی قسمه آیرمشلردر .

بو حلاله دیرزکه « حیوان ناطق »



دولت علیه ایراتک درسمادت سفیر کبری دولتلو میرزا محمود
خان حضرتلری

تعریفی ده بخارجده موجود اولان انساندن
اخذ و انتزاع اولنش بر « صورت ذهنیه »
و بر « ماهیت کلیه » در . فقط بوسورت
ذهنیه ، بوماهیت کلیه عجباً انسان موجودک
بتمامه کنه و حقیقتندمی اخذ و انتزاع اولنش ،
بو قسه عوارض مخصوصه سندمی اقتباس
ایدلمش ، اولاً بوراسنی بیلیمک لازمدر .
تا که تعریف مذکورک « حد نام » اولوب
اولدیغی آکلاشلسون .

معلومدرکه انسان موجود بر بدن ایله
برده روحدن عبارتدر . اوله ایسه انسانی
تشکیل ایدن شیلر اجزاء فرد و عناصر
مختلفه دن مرکب بر « صورت جسمیه حیوانه »
نی « ایله برده » صورت نوعیه انسانیه «
دینلن بر طبیعت ، بر قوتدر . انسان « صورت
جسمیه حیوانیه سی اعتباریله ابعاد ثلاثیه ،
نشو و نمائی ، حرکت ارادییه قبوله مظهر
اولدیغی کبی « صورت نوعیه انسانیه » سیله ده
ادراکات کلیه و افعال فکرییه اجرایه مبدأ
اولمشلر .

ایسته منطقیون دخی انسان
موجودک کنه و حقیقتی بویله
بوله رق آنک « صورت جسمیه
حیوانیه » سندن « حیوان » مفهومی
« صورت نوعیه انسانیه » سندن ده
(ناطق) معناسنی انتزاع ایتشملر
و بناءً علیه انسانی « حیوان ناطق »
دیه تعریف ایلیمشلر و بو تعریفه
« حد نام » نامی و یرمشلر درکه
فی الواقع « حیوان » حساس ،
متحرک بالاراده بر جسم نامی دیمک
اولدیغی کبی « ناطق » ده - محلنده
بیان اولدیغی وجه ایله - امور
کلیه و جزئیات مجردیه ادراک
و افعال فکرییه اجرایه ایدن شی
دیمک اولدیغسندن بو تعریف
انسانک کافه ذاتیاتی حاوی ،
افرادینی جامع ، اغیارینی مانع بر
تعریف اولوب « حد نام » عنوانی
بحق حائز اولمشلر .

متکلمین و سائر فرق اسلامیه ده

« حیوان ناطق » مفهومک انسان ایچون
بر « حد نام » اولدیغی قبول ایتدکدن صکره
حقیقت انسانیه حقنده مطالعات آتیله ده
بولنمشلردر :

انسان ، بو بدنن عبارت دکلددر . بوده
ایکی وجه ایله نابتدر .

۱ - بدنی تشکیل ایدن شیلر دائماً تبدل
و تغیره معروض اولدیغی حالده انسان ، انسان
اولقی اعتباریله اول عمردن آخر عمره قدر
باقیدر . بر مدت ظرفنده باقی اولان شی
ایسه ینه اومدت ظرفنده باقی اولیان شیئک
غیری اولقی لازم کلدیکندن « انسان » کده
بو بدنن باشقه برشی اولمی لابددر .

۲ - انسان بعضاً بالجمله اعضا سندن
غافل ایکن ینه کندیسنی بیلر . حال بو که
بر زمانده بیلدن شی ینه اوزمانده بیلنمین
شیئک غیری اولقی ایجاب ایلدیکندن
« انسان » کده بو بدنک غیری برشی اولمی
واجبدر .

« انسان » محسوس و مرئی برشی ده

دکدر . چونکه محسوس و مرئی
اولان شی سطح ولون اولوب
« انسان » ایسه نه « سطح » نه ده
« لون » در .

بوندن صکره علما « انسان » ک
حقیقتی تمینده اختلاف ایدوب کیمی
آنک بو هیكله حلول ایتش بر جسم
اولدیفنه ، کیمی ده غیر مادی برشیدن
عبارت بولدیفته قائل اولمشلردر .
« انسان » ک بو هیكله حلول
ایتمش بر جسم اولدیفنه قائل اولانلر
دخی ایکی فرقیه ایرمشلردر :

فرقه اولی اجسامک تمانله
— یعنی هپسنک حقیقت واحده
افرادندن بولسان اجزاء فرده دن
ترکبه — ذاهب اولان متکلمیندر .
بونلرک قوللرنجه شو هیكله ایله آکا
حلول ایتش اولان وکندیسنندن
« انسان » دیه تعبیر ایدیلان جسم ، متماثل
وبالمایه متحد اولوب یئیلرنده اصلا
فرق یوقدر . شو قدر که اجزای
بدن اول عمردن آخر عمره قدر

بالدفعات تبدل وتغیر ایلدیکی حالده بدنه
حلول ایتش وکندیسنندن « انسان » دیه
تعبیر ایدلمش اولان جسمک اجزاسی اوکی
تبدلات وتغیراتدن مصون قالمقده واول
عمردن آخر عمره قدر حیاتی بری محافظه
ایدلرک وقت موعودینک حلولیله او حیات
زائل اولنجه بدنه « موت » دینیلن شی طاری
اولمقده در .

فرقه ثانیه ده اختلاف اجسامه —
یعنی هر جسمک بر باشقه اجزادن ترکبه
— قائل اولانلردر . بونلرک مذهب لرنجه
اجسام یکدیگری نه مغایر ومخالف اولدیغندن
شو هیكله ایله آکا حلول ایتش اولان
وکندیسنندن « انسان » دیه تعبیر ایدیلان
جسمده یکدیگریه مغایر و مباین اولوب
هیكله عادات قیلندن بر جسم کثیف
ظلمانی آکا حلول ایتش اولان انسان
ایسه لذاته ذی حیات نوعندن بر جسم لطیف
نورانیدر . هیكله علی الدوام تبدل وتغیره



برنجی رتبه دن مجیدی نشان ذیشانیه تلطیف عالی بیوریلان ایران
دولتک پترسبورغ سفیر کیری اولوب لاجل السیاه شهر مزده بولان
ارفع الدوله دولتلو میرزا رضادانش خان حضرتلری

معروض اولدیفنی حالده او جسم لطیف
لذاته حی ومنیر اولدیغندن هر درلو تبدلات
و تغیراتدن محفوظ اولوب اول عمردن
آخر عمره قدر بدنه فعالیتتی اجرا ایلر .
اسباب موت بدنه عارض اولدقده او جسم
لطیف نورانی بدنن خروج ایدلرک اگر
سعید ایسه عالم سماواته وعالم قدس وطهارته
واکر شقی ایسه عالم دوزخ وعالم آفات
واصل اولور .

انسانک غیر مادی برشیدن عبارت
بولدیفته قائل اولانلر کئنجه : بونلرده
بروجه آتی مطالعه ده بولمشلردر :

انسان ، بو هیكله حلول ایتش بر شی
دکدر . زیرا انسان غیر مادی اولوب
نه متحیز نه ده بر متحیز ایله قائمدر .
کدلاک بوعالمک نه خارجنده نه ده داخلنده
در . چونکه بو دخول وخروج دخی
خواص مادیاتدندر . بونک بویله اولدیفنی ده
ایکی وجه ایله ثابتدر .

اولا انسان کرک قمللا وکرک
عقللا وکرک وهما انقسامی قابل اولمیان
بر طاقم شیرلی بیلیر . جزء فردلر
ونقطه لر کی . اوله ایسه بونلرک تعلق
ایدن علمده دماغ ویا سائر عضوده
غیر مرتسم وبناء علیه غیر منقسم
اولقی لازم کلیر . چونکه دماغ ویا
سائر عضوده مرتسم اولان صور
علمیه هپ حواس خمسۀ ظاهره
واسطه سبله اشیا خارجییه دن مقتبس
ومنترع اولوب حواس خمسۀ ظاهره نک
حس وادراک ایدلرک اشیا خارجییه
ایسه علی العموم مرکب وقابل انقسام
اولدیغندن آنلردن اخذ واقباس
اولسان صور ذهنیه ودماغیه نکده
مرکب وقابل انقسام اولسی اقتضا
ایدلر . اگر بویله اولماز ایسه صورت
ایله ذی صورتک عدم تطابق لازم
کلیر . بویسه بلاشک باطلدر . قابل
انقسام اولمیان شیرلر تعلق ایدن
« علم » ده غیر منقسم ودماغ ویا سائر
عضوده غیر مرتسم اولنجه او علم
ایله متصف اولان شیئک دخی غیر منقسم
وغیر مادی اولسی ایجاب ایدلرک ایشه اوده
جسم وجسمانی اولمیان وکندیسنندن « انسان »
دیه تعبیر ایدیلن بر جوهر مجرددر .

ثانیا انسان واجب الوجود وسائر کی
مجرداتی تصور ووارقلارنی تصدیق ایلر .
اگر انسان بو هیكلدن ویا آکا حلول
ایتمش بر جسمدن عبارت اولسه ایدی
شو تصور وتصدیق کندیسنه ممکن اولمیه جق
ایدی . چونکه هیكله اولسون هیكله
حلول ایتش برشی اولسون جسم وجسمانی
اولدیغندن مجردات ایله برکونا مناسبتلری
یوقدرکه آنلری تصور ووارقلارنی تصدیق
ایدلرک بیلسونلر . برده قوای جسمانییه ده
مرتسم اولان صور علمیه نک هپ محسو
سات ومادیاتدن اخذ واقباس ایدلمش
اولملری لازم ولابددر . بو ، لازم اولنجه
صور مجرداتک قوای مذکوره ده ارتسام
ایتمش اولسی قابلمیدر . اوله ایسه مجرداتی

تصور ووارقلرخی تصدیق ایدن شینک جسم و جسمانی دکل بلکه غیر مادی بر جوهر اولمسی تعین ایدر که مطلوب ده بو ایدی .

فایده درسه املرندن :

موسی ماضی

لوائح الحكم ، دن :

لا یح

۸

ابتدای تولدمزدن بری سائقه طبیعتله بر طاقم احتیاجات ایچنده قالمش و بو احتیاجاتک استیفاسی داعیه سیله متعسر الحصول نیجه نیجه اشتغالات متسلسله و اجراءات متقابله به مجبور اوله رق بوغو - لورجه سنه سر برده رسوم و عاداته طیقلمش اولدیغمزدن و ذاتاً بو کارخانه دنیا حب شهوات ایله تربین اولوب نفسمز آندن انفسکاکی ناقابل برعلاقه کامله و راسخه پیدا ایدرک علی الدوام هوسات و حظوظاته سوق اوله کلدیکمزدن کویا عمرمزدک نتیجه سی و خلقتمزدک علت غائیه سی شو تعلقات ماسوادر کبی ظن اولور .

بو مثلاً و ظنون غافلانه اکثر اشخاصی حرص و طمع و نفس و هوا و ادیلرینه دوشوروب اصل و حقیقتلرخی مطالعه و سماعت صحیحیه بی ملاحظه دن منع ایدر .

واقعا ظن بو یوک شیدر دقت اولنسه اکثر افعال بشریه ده سهو و خطا ظنندن چیقار نیته کیم بین الحکما (من ساء ظنه ساء رایه) ضروب امثالنددر حتی جناب رب معبود بینه عبده ظنی قتنده اولوب اشخاصک تمیبات و تصوراتنه کوره تجلی ایدر بشاء علیه ظن و ذهابی تصحیح ایدوب حقندن هدایت ایستمک و زدن کلوب زده کیده جکمزى بالتحریر کنیدی بر طریق مستقیمه سوق ایلمک و طائف عقیده نك اك برنجیسیدر .

ولادتمزدن اولکی احواله فصل که وقوف و شعورمزد اولمیزرق ترکیب ایتمش و بوجهان فنا بنیانه کلمش ایسه ک بعینه حلول موت ایله بوراده کی مدت اقامتمزد رسیده حد ختام اولدقده وقوف و شعورمزدک احاطه ایدمه چکی بر جهان بقا عنوانه بلا اختیار ارتحال ایدله جکنده اشتباه یوقدر . شو قدر و ارکه بو عالم دنیا محسوس و مانوس و عالم عقبا غیر محسوس و مانوس اولدیغندن اکثر خلق — جهت دنیویه مائل — امور اخرویه دن غافلدر .

فی الحقیقه سرآثر وحدت الهیه و عوالم غیبیه نك تفصیل و تمایلی عقل ایله اکلاشله - مدیغندن واسطه وحی و الهام ایله بیلدیرلمش و السنه انبیا دن ایشیدلمش اولغله اوتیه دنبرو تلقینات سواویه ایمان ایتیمو بده عقل مجرد تابع اولانلر بالطبع حقیقت اخرته مطلع اوله میهرق عالم عقبا بی انکار ایله جهت دنیویه حصر افکار ایدمه کلدیکی کبی احکام شرعیه به اتباع ایدنلر دخی ملکات راسخه ایمان و عبادات ایله اسرار معنویه واقف اوله رق عالم عقبا بی اقرار و اعتراف ایدمه کلدشدر .

قطعه

راحت ایستر طبع محنتدر عبادت سرترس ترک راحت و رغبت محنت قیلان ممتاز اولور اول سببندر که کفر آسان اولوب اسلام صعب عرصه عالمه چوق ملحد موحد آز اولور فحواسنجه دیانت و شریعت — اوامر الهیه به متابعتله هوای نفسه مخالفتی کوستر - دیکندن و بو ایسه اصعب امور اولوب بالوجه طبیعت شهوانیه به غیر ملازم اولدیغندن طریق حقه کیدنلر اندر و هوای نفسه او یوب مقتضای طبیعت خدمت ایدنلر اکثر ایسه ده فی نفس الامر حب دنیا بالجله فسادات و خطیباتک منشأ و منبعیدر نیته کیم حدیث شریفده (حب الدنیا) وارد اولمشدر .

بومزایا تسلیمکرده اهل برایا ایسه ده

دنیا نه اولدیغنی اکلامق لازمدر . کتب معتبره ده مسطور اولدیغه کوره خواجه کائنات علیه اکل التحیات افندمزدن بعض ذوات دنیا نه اولدیغنی استفسار ایتدکرنده (دنیا ک مایشغلک) بیورمشلردر شو حدیث شریفک متضمن اولدیغنی تخصیص و تفسیره نظراً تذکر حقه مانع اولوب ترقیات معنویه دن البقویان هر نه ایسه انسانک دنیاسی یعنی ماسوانک اک فناسی اودر دیمک اولور بوقسه سائر عوالم الهیه به بالنسبه دون اولدیغنه اشارتله دنیا تسمیه قلنان شو عالم حس و شهود دیمک دکلدر زیرا اجرام و اجسام طبیعیه نك صور مجموعه سندن عبارت اولان (عالم امکان) حضرت خلاق لایزالک اثر صنع و قدرتی و بلکه صفت کاشفه نور هویتی اولغله سراپا احسن و اعلا اولدیغنده اشتباه یوقدر . السنه اصفیاده مذمومیتله یاد اولنان (دنیا) اهل هوانک کندی ذهنلرنجه توهم ایتدکری تمایلی ماسوادرکه حقیقت حالده منتج خسران و ندامت اولان بر نمایش سریع - الزوالدن عبارتدر . اکثریا اخلاجه ترتب ایدن آفات بو مثلاً توهمات بیمنزانه دن تولد ایدر .

باز ده تفصیل ایله تمیل اولنق لازم کلیسه دیه بیلور که صورت پرستان غلط پسندانک تحسینکرده خیال عیالی اولان (ماسوا) یا قوش سیمیه مشابه بریستی هستی نما و یا خود رؤیا نك تعبیر ایله تصویری قیلندن اوله رق فصل اکلاشیلور و نه جهته معنا و بیلور ایسه اوصورتله تعین ایدر بر هیولادر شو جهته هر کسک دنیاسی کندی خویلیاسیدر مثلاً مقتضای نفسه موافقتله خود اندیش و خود پرست اولانلرک فایه خویلیاسی اکساب جاه و اموال ایله اجرای اغراضه محصور اولدیغندن انلرک عندده (دنیا) انهماک شهوت ، عزت نفس) منافع ذاتیه دن عبارتدر .

بالعکس هوای نفسه مخالفته حق دوست و حقیقت شناس اولانلرک نتیجه خویلیاسی دخی مقتضای شرع و حکمه